

## Saksprotokoll i fylkestinget - 08. og 09.12.2015

### SAKSBEHANDLING

Sakene vart behandla i slik rekkjefølgje:

- 8. desember: 89, 109, 91, 93, 94, 96-100/15.
- 9. desember: 90, 101-104, 95, 105-108, 104, 95/15.

### OPNING AV FYLKESTINGET (08.12.2015)

Til å skriva under møteboka saman med fylkesordføraren vart Dan Femoen og Marthe Hammer valde.

Fylkesordføraren gjorde framlegg om at møteboka vert godkjend av fylkesordføraren og dei som vart oppnemnde til å skriva under møteboka. Fylkestinget slutta seg til dette.

Det var kulturinnslag ved **slagverktrio frå Bergen Filharmoniske Orkester**. Dei utøvande var Peter Kates, Gard Garshol og Manuel Hofstätter.

Fylkesordføraren heldt minnetale over ofra etter terroren i Paris.

**Ordføraren i Bergen**, Marte Mjøs Persen helste fylkestinget.

Fylkesordføraren heldt opningstalen sin til fylkestinget.

Fylkesrådmannen heldt sin tale.

### ORDSKIFTET ETTER TALANE

Etter talane var det ordskifte. 13 representantar hadde ordet.

I samband med talane sette **Aud Karin Oen** fram slikt forslag til fråsegn:

#### **"Fråsegn vedkomande nedlegging av akuttfunksjonane ved Odda og Stord sjukehus**

Hordaland fylkesting er sterkt uroa over Helseministeren sitt forslag om å legga ned akuttbereidskapen ved Odda og Stord sjukehus.

Sjukehus utan akuttfunksjon er som eit brannvesen utan tilgang på vatn og vil gje eit kraftig redusert helsetilbod i distrikta i Hordaland. Befolkningsgrunnlag som kriterium er berre eit av mange kriterium som må vektleggjast for kva slags funksjonar eit lokalsjukehus bør ha.

Dei generelle argumenta for å behalda akuttbereidskapen ved fleire av dei lokale sjukehusa er at alle skal ha rett på eit likeverdig helsetilbod, uavhengig av bustad og postadresse. Noreg vil i tida framover koma til å trengja all den kapasiteten som desse sjukehusa har å tilby. Dei store sjukehusa er ikkje volummessig rusta til å overta all akuttfunksjonane frå dei små sjukehusa. I tillegg er den økonomiske vinsten høgst uklår.

I tillegg er det nokre heilt spesifikke årsaker knytt til at nettopp Odda og Stord sjukehusa framleis må bestå med fullverdige akuttfunksjonar til innbyggjarane:

Odda er eit samfunn med mykje tungindustri, der det fort kan skje alvorlege ulykker. Til tross for relativ kort transportveg til Haugesund veit vi at dei preoperative tenestene ikkje er tilstrekkeleg utbygd. Transportrutene, både til lands og med helikopter, er forholdsvis ofte stengt grunna ras eller dårleg flygvev. Det medfører at Odda med omeign i periodar kan vera heilt isolert.

Til tross for at befolkningsgrunnlaget for Odda sjukehus er rekna til ca. 12.000, veit vi at det om sommaren aukar til 70.000, grunna turister som skal til Trolltunga. Det har i år vore fleire farlege redningsaksjonar der.

Stord har et befolkningsgrunnlag på 49.000, altså knappe 10.000 under det talet som er anbefalt for å oppretthalde akuttfunksjon, og er eit område med stadig befolkningsvekst. Den største arbeidsplassen er Aker Stord, som er heilt avhengig av akuttberedskap. I tillegg har Stord stor gjennomfartstrafikk, og det er i de nærmaste åra planlagt store vegbyggingsprosjekt, noko som vil medføre ein auka fare for ulykker. Stord har og ein flyplass og det har vore to store flyulykker der.

Stord kan med enkle grep frå Helse Fonna få tildelt funksjonar som gjer at de kjem over den anbefalte pasientpopulasjonen, slik Voss har fått frå Helse Bergen.

Hordaland fylkesting ber helseministeren og Stortinget om å skrinleggja desse planane og oppretthalda sjukehusa i Odda og Stord med akuttfunksjonar."

Forslaget vart behandla på slutten av tingsetet, 09.12.2015.

Fylkestinget vedtok samrøystes å realitetsbehandle forslaget til fråsegn og vedtok deretter samrøystes forslaget.

### **Vedtak**

#### **Fråsegn vedkomande nedlegging av akuttfunksjonane ved Odda og Stord sjukehus**

Hordaland fylkesting er sterkt uroa over Helseministeren sitt forslag om å leggja ned akuttberedskapen ved Odda og Stord sjukehus.

Sjukehus utan akuttfunksjon er som eit brannvesen utan tilgang på vatn og vil gje eit kraftig redusert helsetilbod i distrikta i Hordaland. Befolkningsgrunnlag som kriterium er berre eit av mange kriterium som må vektleggjast for kva slags funksjonar eit lokalsjukehus bør ha.

Dei generelle argumenta for å behalda akuttberedskapen ved fleire av dei lokale sjukehusa er at alle skal ha rett på eit likeverdig helsetilbod, uavhengig av bustad og postadresse. Noreg vil i tida framover koma til å trengja all den kapasiteten som desse sjukehusa har å tilby. Dei store sjukehusa er ikkje volummessig rusta til å overta all akuttfunksjonane frå dei små sjukehusa. I tillegg er den økonomiske vinsten høgst uklår.

I tillegg er det nokre heilt spesifikke årsaker knytt til at nettopp Odda og Stord sjukehusa framleis må bestå med fullverdige akuttfunksjonar til innbyggjarane:

Odda er eit samfunn med mykje tungindustri, der det fort kan skje alvorlege ulykker. Til tross for relativ kort transportveg til Haugesund veit vi at dei preoperative tenestene ikkje er tilstrekkeleg utbygd. Transportrutene, både til lands og med helikopter, er forholdsvis ofte stengt grunna ras eller dårleg flygever. Det medfører at Odda med omeign i periodar kan vera heilt isolert.

Til tross for at befolkningsgrunnlaget for Odda sjukehus er rekna til ca. 12.000, veit vi at det om sommaren aukar til 70.000, grunna turister som skal til Trolltunga. Det har i år vore fleire farlege redningsaksjonar der.

Stord har et befolkningsgrunnlag på 49.000, altså knappe 10.000 under det talet som er anbefalt for å oppretthalde akuttfunksjon, og er eit område med stadig befolkningsvekst. Den største arbeidsplassen er Aker Stord, som er heilt avhengig av akuttberedskap. I tillegg har Stord stor gjennomfartstrafikk, og det er i de nærmaste åra planlagt store vegbyggingsprosjekt, noko som vil medføre ein auka fare for ulykker. Stord har og ein flyplass og det har vore to store flyulykker der.

Stord kan med enkle grep frå Helse Fonna få tildelt funksjonar som gjer at de kjem over den anbefalte pasientpopulasjonen, slik Voss har fått frå Helse Bergen.

Hordaland fylkesting ber helseministeren og Stortinget om å skrinleggja desse planane og oppretthalda sjukehusa i Odda og Stord med akuttfunksjonar.

### INNBYGGJARFORSLAG (08.12.2015)

I samband med behandling av PS 89/15 "Dimensjonering av Studiespesialiserande (ST) i Bergen" opplyste fylkesordføraren at Hordaland fylkeskommune har motteke innbyggjarinitiativ på vegner av elevar og foreldre ved Fana gymnas: "Innbyggerforslag, jfr Kommunelovens § 39 A. Mistillitt mot Fylkeskommuneadministrasjon og fylkestingets behandling av spørsmålet om nedleggelse av Fana Gymnas. Krav om utsettelse og uavhengig tilstandsvurdering."

### IDRETTSPRISAR 2015 (09.12.2015)

Hordaland fylkeskommune sine **utviklingsstipend i idrett** for 2015 vart tildelt:

Kjerstin Boge Solås (f. 1997)	Handball	Tertnes Elite
Bjørnar Neteland (f. 1991)	Alpint	Fana IL
Erling Fagerbakke Fosse (f. 1997)	Langrenn	Voss IL
Harald Ivarsen (f. 1999)	Padling	Fana Kajakk klubb
Sigrid Borge (f. 1995)	Friidrett, kast	Osterøy IL

Kvart stipend er på kr 25 000. Utdelinga vart gjort av leiar i utval for kultur, idrett og regional utvikling, Beate Husa.

Fylkeskommunen sine utviklingsstipend innan idrett kan tildelast einskildutøvarar, trenarar og dommarar. Ein person kan berre få slikt stipend ein gong. Målet med stipenda er å gje mottakarane stimulans og høve til vidareutvikling i si idrettsgrein. Ved tildelinga av stipend vert det lagt vekt på: idrettsprestasjonar, potensial og planar for vidare satsing innan idretten.

Hordaland fylkeskommune si utmerking for **særlege idrettsprestasjonar** 2015 vart tildelt:

Mariann Vestbøstad Marthinsen	Langrennspigging friteknikk Sølvmedalje i sprint og bronsemedalje 12 km	VM i Cable USA 2015
Sverre Lunde Pedersen	Skøyter Allround Bronsemedalje	VM i Calgary 2015
Håkon Jarvis Westergård	Orientering Sølvmedalje i stafett	VM i Skottland 2015
Kristoffer Brun	Roing dobbeltsculler lettvekt Bronsemedalje	VM i Frankrike 2015
Marielle Lind	ITF Taekwondo Bronsemedalje i tradisjonell sparring	VM i Jesolo i Italia 2015
Madeleine Lind	ITF Taekwondo Gullmedalje i mønster 2. dan og	VM i Jesolo i Italia 2015

	bronsemedalje i tradisjonell sparring	
Ulrik Berntsen	Vannjet Pro Am Ski Stock Gullmedalje	VM i Lake Havasu Arizona 2015
Espen Drange	ITF Taekwondo Verdsmeister i sparring 63 kg	VM i Jesolo Italia 2015
Per Ivar Pahlm	Langbue Herrer 3D Gullmedalje	VM i Terni Italia 2015
Monica Engeseth	Kickboxing Sølvmedalje i Pointfighting 50 kg	VM i Antalya i Tyrkia 2015
Milton Galarreta	Kickboxing Bronsemedalje i fullkontakt 70 kg	VM i Antalya i Tyrkia 2015
Daniel Andersen	Pro ski stock limited Sølvmedalje	VM i Lake Havasu Arizona 2015
Stian Schjetlein	Sølvmedalje i pro ski slalom og bronsemedalje i pro ski lite	VM i Lake Havasu Arizona 2015

Hordaland fylkeskommune si markering av særlege idrettsprestasjonar er ei utmerking som heng svært høgt. Det er idrettsprestasjonen som kvalifiserer utøvarane til en slik utmerking. Kravet er medaljeplassering i verdsmeisterskap eller olympiske leikar. Verdsrekordar og siger i verds cupen samanlagt kvalifiserer også til fylkeskommunen si utmerking. Utøvarane må representere ein klubb frå Hordaland.

Fylkesordførar Anne Gine Hestetun overrekte utmerkinga.

### **ATTRAKTIVE FRILUFTSOMRÅDE (09.12.2015)**

**Herdla på Askøy og Vardetangen og Årvika i Austrheim** vart kåra til Hordaland sitt mest attraktive friluftsområde. Dei to vinnarområda vart tildelt prisen mellom anna på bakgrunn av god tilrettelegging for ungdom og ny aktivitet.

Ordførar Terje Mathiassen i Askøy kommune og kulturleiar i Austrheim kommune, Kari Utkilen, tok imot prisen på vegner av kommunane. Prisen var på 15.000 kroner, eit bilete av Sveinung Iversen med friluftsmotiv og ei slakk line.

Ein fagjury har vurdert alle innkomne forslag, medan kåringa var gjort av utval for kultur, idrett og regional utvikling i Hordaland. Prisen vart delt ut av Agnes Bernes, leiar av Ungdommens fylkesting.

Kåringa er ein del av markeringa av Friluftslivets år 2015.

### **OPPFINNARPRISEN 2015 (09.12.2015)**

Oppfinnarprisen skal bidra til å synleggjere og heidre kreativitet, innovasjon og verdiskaping i Hordaland. Dei som får oppfinnarprisen skal ha fast adresse i Hordaland. I tillegg må dei ha evne og vilje til å realisere og kommersialisere oppfinninga si.

Hordaland fylkeskommune sin oppfinnarpris for 2015 vart tildelt til Rolf Kahrs Hansen og Magne Tvinnereim i selskapet Spiro Medical AS for oppfinninga **ApneaGraph® Spiro**, som er eit instrument som målar lungetrykk og identifiserer blokkeringane som forårsakar pusteproblem under søvn. Data om trykk, pust, puls, lyd (som snorking) og oksygeninnhald i blodet vert automatisk analysert og gjort tilgjengeleg for legen.

Så mange som 20 % av oss lir av ei eller anna form for søvnrelatert pusteproblem. Med oppfinninga vil fleire få muligheit til riktig diagnose som gjer at fleire får tidlegare og rett behandling.

Prisen vart utdelt av fylkesordførar Anne Gine Hestetun. Oppfinnarprisen 2015 var på 100.000 kroner.

To oppfinnarteam fekk **heidarleg omtale**:

- Den første heiderlege omtalen gjekk til oppfinninga **Milla Says**, som er ein digital lærings- og kommunikasjonsplattform for Tegn-Til-Tale. Oppfinninga er retta mot born med forseinka språkutvikling, der dei kan bruke teikn til å kommunisere og lære ord og omgrep. Bak oppfinninga står oppfinnarteamet Aleksander Helmersberg, Runar Brøste og Are Bu Vindenes i selskapet Milla Says AS.
- Den andre heiderlege omtalen i gjekk til Bryggen Research AS, for deira oppfinning **GRASP**, som er ein steinliknande gjenstand som let seg klemme på. Grasp skal nyttast av personar som har vanskar og utfordringar med å nytte vanlege kartleggingsverktøy innan psykisk helse. Målgruppa er spesielt born, framandspråklege, rusmisbrukarar, eldre og folk med sterke psykiske plagar. Bak oppfinninga står oppfinnarteamet Tor Gjøsæter, Jørund Fjøsne, Martin Lie og Aleksander Krzwinsky.

## PRESENTASJONAR (09.12.2015)

Jernbaneverket v/strategidirektør **Lars Christian Stendal** og prosjektleiar **Hanne Dybwik-Rafto** orienterte om konseptvalutgreiing (KVU) for logistikknutepunkt i Bergensregionen.

Direktør i Skyss, **Oddmund Sylta**, orienterte om neste generasjon ferjeambod.